

治
河
全
書

治河全書

卷之二十

章奏

請調河員

覆明工程

報清水出運

報淮黃交會

開張莊河

疏濬下河

濟子嬰河

代謝

皇恩

挑安東引河

築辛家蕩月堤

修中河二閘

修天妃閘

修弘濟閘

兵部尚書兼都察院右都御史總督河道提督軍務臣張鵬翔謹
題為請

旨調用河官以收實效事竊惟河工關係重大修築疏濬原非
一手足之力必資群才協助實心任事蚤圖安瀾以仰副
我

皇上期奏平成至意但從前之工程極敝目前之修理紛紜所
有應修工程如堵塞六壩修築夏家橋等處滾水壩高寶
江都一帶土石堤工高郵城南四壩加幫桃源山陽清河
安東等處黃河南北兩岸及濱海一帶堤工高堰至小六

莊與徐州郭家嘴石工並挑挖運河運料小河修砌駱馬湖口竹絡壩等處大工興舉在在需人料理臣前

題帶河工効力王謙等十員委不敷用而見在河工効力之員如傅鴻業夏宗堯甯維邦王登魁等未有黏帶工程錢糧不清之處量才委用外其餘効力人員或有領帑修工不完或有修工不堅固者既已貽誤於前不使再行委用然興修工程須委任得人又必不可少臣夙夜思維於素所深知之外又虛心博訪得有才猷敏練堪理河務見任陝西醴泉縣知縣裘陳琨見任浙江西安縣知縣陳鵬年

見任浙江武康縣知縣南夢班見任江西清江縣知縣徐
斯適見任山東博興縣知縣陳之琦見任浙江太湖營守
備牛斗見任甘州守備呂飛熊候補主事王英謀候補中
書張百行原任重慶府知府蕭星拱原任金華府同知劉
光業原任浙江嚴州府同知施世驥原任通州知州武登
科候選州同楊兆僑等皆係賢能之員懇祈

皇上俯念河工緊要需人料理

允臣所請

勅部將各員調往河工以便分派工程領帶興修遇有相當員

缺保

題陞補其見任者仍照原銜食俸臣從河工需人甚急起見
絕無情面私心理合具

題伏乞

皇上睿鑒勅部議覆施行等因於康熙三十九年八月初一日
題本月二十三日奉

旨該部議奏欽此欽遵抄出到部該臣等會議得河道總督張
鵬翮疏稱河工關係重大修築疏濬必資群才協助奏圖
安瀾以奏平成至意從前之工程極敝目前之修理紛紜

如堵塞六壩挑吃運河等處大工興舉在在需人臣前題
帶王謙等十員委不敷用而見在河工効力之員如傅鴻
業夏宗堯竇維邦王登魁等未有黏帶工程錢糧不清之
處量才委用臣於素所深知之外又虛心博訪得有才猷
敏練堪理河務見任陝西醴泉縣知縣裴陳珮見任浙江
西安縣知縣陳鵬年見任浙江武康縣知縣南夢班見任
江西清江縣知縣徐斯適見任山東博興縣知縣陳之琦
見任浙江太湖營守備牛斗見任甘州右衛守備呂飛熊
候補主事王英謀候補中書張百行原任重慶府知府蕭

星拱原任金華府同知劉光業原任浙江嚴州府同知施
世驥原任通州知州武登科候選州同楊兆僑等皆係賢
能之員懇祈

勅部將各員調往河工以便分派工程遇有相當員缺保題陞
補其見任者仍照原銜食俸等因前來除傳鴻業等四員
該督既稱量才委用外其見任陝西醴泉縣知縣裘陳琬
等五員並候補主事王英謀等七員見任守備牛斗等二
員應如所題俱准其調往河工効用見任者仍照原銜食
俸裘陳琬等五員係見任知縣牛斗呂飛熊二員係見任

守備今既赴河工効用員缺不使久懸將伊等員缺另行
銓補等因奉

旨依議

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙三十八年閏七月初九日准工部咨開都水清吏
司案呈奉本部送工科抄出該本部覆河道總督于成龍
等題前事等因康熙三十八年六月二十四日題七月十
二日奉

旨工部議奏欽此欽遵於七月十三日抄出到部該臣等議得
河道總督于成龍等疏稱時家馬頭急需堵塞但錢糧見
准部覆令董安國馮佑賸修伊等目下挑挖引河築堤等

項錢糧尚且拮据若堵塞時家馬頭工程候伊等修築恐
一時不能興工伊等賠修錢糧應聽該部查算動帑堵塞
等因前來查時家馬頭先經該督等題請發帑先期備料
堵塞臣部以照例責令經修防守官員賠修等因屢次議
覆在案今該督等並不照例責令董安國等賠修何得題
請動帑修築應仍行該督等作速照例賠修完工報部可
也康熙三十八年七月二十五日題本月二十六日奉

旨時家馬頭地方最關緊要如有修築機會恐致遲誤著該督
不拘何項錢糧動用修理工完之日將數目明白題報著原

修人等賠補欵此欵遵抄出到部擬合就行為此合咨前去
查照本部題覆奉

旨內事理欵遵施行等因在案該臣看得時家馬頭缺口原任
河臣董安國發過帑銀四萬一千九百餘兩未經堵塞績
經前任河臣于成龍徐廷璽發過工料夫匠銀六萬七千
四百餘兩交原任山安河務同知佟世祿等承修年久不
完遲延誤工希圖冒帑臣隨一面將佟世祿特疏糾叅一
面檄行護道馬驥嚴催監修官張士仲等進埽堵塞去後
嗣因伏汛水發難以進埽臣於恭報伏汛水勢情形疏內

題明暫緩俟過伏秋二汛水落再行進埽堵塞今白露已過
水勢漸消行據淮揚道叅議王謙詳稱時家馬頭見在口
寬二十丈實需工料匠夫銀一萬四千三百餘兩查佟世
祿前領帑銀并無存庫已經

題奉虧空若俟追賠恐致遲誤此係緊要工程請發帑辦料
堵塞前來臣覆確覈無異隨即照數撥發帑銀委令署事
同知趙泰姓監工原任知州張士伸等速行辦料堵塞俟
工完之日將前後用過工料銀兩算明數目責令原修之
佟世祿等賠補還項庶工程不致遺誤矣相應具疏

題明伏乞

皇上睿鑒勅部議覆施行等因康熙三十九年八月初三日題
本月二十二日奉

旨該部議奏欽此欽遵於八月二十三日抄出到部該臣等議
得河道總督張鵬翮疏稱時家馬頭缺口原任山安河務
同知佟世祿等承修遲延誤工臣將佟世祿糾叅嚴催張
士伸等進埽堵塞嗣因伏汛水發題明暫緩俟水落堵塞
今時家馬頭見在口寬二十丈實需工料匠夫銀一萬四
千三百餘兩查佟世祿前領帑銀並無存庫已經題叅虧

空若俟追賠尚致遲誤發發帶銀委令署事同知趙泰姓
等辦料堵塞俟工完之日將前後用過工料銀兩算明責
令原修之佟世祿等賠補還項等因前來應行該督飭令
趙泰姓等將時家馬頭缺口速行堵塞完工將用過銀兩
造冊題銷一面將應賠錢糧於佟世祿等名下照例追取
補還原項可也康熙三十九年九月初四日題本月初九
日奉

旨依議欽此欽遵移咨到臣准此隨即備行該道作速堵塞工
完將用過銀兩造冊詳銷一面將應賠錢糧於佟世祿等

名下追還去後今據淮揚道叅議王謙造冊詳銷到臣據
此該臣看得安東縣時家馬頭木堵中泓缺口需用工料
銀一萬四千二百兩經臣具

題發帑償堵卹復令臣飭令趙泰姓等速行堵塞完工將用
過銀兩造冊銷一面將應賠錢糧於佟世祿等名下照
例追取補還原項等因行據淮揚道叅議王謙詳稱係委
前署山安同知趙泰姓等領帑分發監分辦料募夫償堵
業於康熙三十九年十一月二十日合龍照原估用過銀
一萬四千三百兩蓋此工佟世祿浮估三萬五千餘兩今

止用一萬四千三百兩即行堵閉委係實工實料故無餘
存節省所用銀兩應於冒幫誤工案內審明

題定之日於佟世祿等名下一併追賠還項等因前來臣覆
覈無異除原冊送部查覈外相應

題銷伏乞

皇上勅部覈銷施行等因康熙四十年七月十七日題八月十
六日奉

旨著察覈該部知道欽此欽遵於八月十七日抄出到部該臣
等議得先經河道總督張鵬翮疏稱時家馬頭缺口寬二

十文需銀一萬四千三百餘兩佟世祿前領帑銀已經題
奉虧空若俟追賠恐致遲誤撥發帑銀委署事同知趙泰
姓等辦料堵塞將用過銀兩責令佟世祿等賠補還項等
因經臣部覆准在案今據該督疏稱時家馬頭未堵缺口
堵塞照原估用過銀一萬四千三百兩委係實工實料故
無餘存節省等因前來查時家馬頭缺口既經堵塞完工
應將用過銀兩行令該督於應賠之佟世祿等名下照例
勒限半年追取還項可也康熙四十年九月初七日題本

月十五日奉

旨依議

兵部尚書兼都察院右都御史總督河道提督軍務臣張鵬翮謹
奏為欽奉

上諭事康熙三十九年八月初四日接筆帖式關任賈捧

上諭到臣內開吏部科道行取官員事件於康熙三十九年七

月二十五日大學士伊桑阿馬奇摺本啟奏奉

旨見今選人往張鵬翮處著將這次各省行取知縣職名抄出

問他此知縣內張鵬翮有曾經識認若官優為人好者著明

白開寫摺子即付遣去筆帖式關任賈回啟奏又河水情形
各處工程修理若何亦著明白開寫摺子並交與遣去筆帖

式賫回啟奏欽此欽遵除行取知縣另措具

奏外伏惟我

皇上軫念河工愛民之切真如天之仁矣查黃運中河伏汎水
勢情形臣於六月二十一日已經

題報在案七月初六初七兩晝夜大雨秋汎水勢大長臣於
初八日乘舟前往邳州地方勘閱盧口見山東諸湖水發
瀾漫而來陡長丈餘幸由貓兒窩運河流入駱馬湖從竹
絡壩出黃河故運河堤工俱保平穩中河水勢驟漲將劉
老澗上年原有洩水裹頭草壩漫開水勢洩入壩下兩岸

虛囂子堤雖有水溝浪窩埝却之處亦皆幸獲平穩高郵水勢雖大由南關柏家墩二處滾壩洩水荷蒙我

皇上指授方畧挑挖人字河芒稻河深通洩水暢流入江高寶江都一帶運河堤工皆保平穩黃河入秋以來水勢亦大
臣於七月初九日至海濱六套一帶勘閱工程詢據土人
僉云今年水勢甚大幸而大通口開通水流入海故隨長
隨消不致泛溢惟徐州黃河水長城南石狗湖水勢亦長
七月初八日將東門外石岸平墊一段長十二丈內埝塌
一段長七丈已經下埽防護無虞仍令原修官俟水落賠

修其餘邳州宿遷桃源清河山陽安東等處黃河工程俱
各保固平穩此目前水勢之情形也運口邊

旨於七月初三日熬壩初五日斷流攔截黃水不致內灌張福
口引河一道挑挖工完於七月初八日開放裴家場引河
一道河身挖完亦於七月初八日開放二水暢流入於運
河見今水深四五尺不等俱經

題報在柴運河自清口至界首一帶自放引河清水以來止
能衝去浮沙其河底淤泥積墊年久衝刷不動臣擬於今
冬十一月十五日以前回空糧船過完熬壩挑挖深通六

壩閉後黃淮二水并流入運河有所容納伏祈

勅下倉場侍郎及沿河撫鎮等官嚴催回空糧船務於十一月十五日以前盡數過淮庶不誤挑濟其浙江等有尾幫糧船恐回空遲滯河凍冰阻請

勅下該撫將減存糧船動苫蓋銀兩修驗照例冬兌冬開底漕運不致遺誤高郵護城堤埽工一千六百五十丈前經

題明委令高郵州知州謝廷瑞等領帑修理已經完工足資捍禦城池民生兩有攸賴臣前於六月二十五日勘工至高郵州親聞地方百姓感頌

皇恩懽聲載道邵伯更樓繞桃月河築壩工程已於四月二十

七日完工前經

題報在案人字河芒稻河委張弼等已挑開寬深引湖水暢
流入江鳳凰橋引河因中段土岡堅硬挑挖頗艱見催委
員王進楫等上緊挑深刻期完工小黃莊至周橋一帶堤
工分修官朱弘祚等分十四段加幫七月初六七二日值
大雨淋漓多有浪窩塌卸之處見移咨部臣轉催作速修
補完工高堰史家剝湯家西高堰壩北捐工尚有未修工
程若俟修完方令分修官加幫恐其遲誤請

勅部臣范承勳等速令分修官作速加幫以資捍禦用過錢糧
於原捐人員名下追賠還項高堰閘帝廟至小黃莊一段
堤工委同知李梅等將堤身銜刷之處臨湖釘埽修築將
完其自關帝廟至武家墩一帶堤工見在釘埽修理嚴催
作速竣工武家墩至小黃莊一帶應拆砌石工五千五百
二十六丈四尺見在道廳等官估計造冊另行具

題唐堽六壩已經

題明責令常維禎等賠修四壩其夏家橋薛家園二壩已經
幫委員外郎王登魁等辦料俟水落即動工堵塞唐堽等

六壩改建三滾水壩已經

題估委令河南管河道李言等領帑辦料修砌俟九月霜降
後河南河道無事即檄催李言等親身速赴工所勸限價
催六壩加幫堤工已委原任同知劉光業等領帑俟水勢
稍落即行加幫陶家莊引河部臣范承勳等原擬七月內
完工因秋雨太大河身受有積水見在車岸挑挖王家營
引河係奉

旨令馮佑挑挖贖罪之工屢行嚴催據道廳等官詳報馮佑違
抗不挑應遵不成河不准贖罪之

旨將馮佑交與該道治罪另估挑挖睢寧黃河王家堂加幫月
堤作正堤動帑修築據該管署事同知金玉衡呈報已完
工九分見在勸催全完山清安東黃河兩岸堤工卑矮之
處見在確估造冊加幫臣查勘河工至安東縣二塘汪家
莊地方見署事同知趙泰姓及守備姜逢彩住宿工所親
備加幫錢堤係固險工實心任事海口欄黃壩盡行拆去
見今黃水通流入海蒙

欽定大通口佳名萬姓感悅時家馬頭工程已經具

題動帑委令趙泰姓張士伸等辦料俟水落作速堵塞馬家

港工程合龍之後西壩被大水漫開已經

題報見在責令承修官馮大奇等購備料物俟水勢稍落速
行賠修堵塞如敢遲延另疏

題恭大進口迤下濱海兩岸堤工委員傅澤洪等分段加幫
見在備修嚴催上緊修竣駱馬湖李經邦所修石閘上寬
下窄不能下板

題明發帑委通判葉增英宿遷縣知縣胡三俊辦料改造見
在勒限竣工劉老澗引河係馮佑等領帑承挑之工屢催
不行挑挖見在查明侵帑數目另疏恭追其引河估計發

帑挑濬改挑中河子堤未完分數及水溝浪窩之處勒令
承修官馬勳等修築填補其頂衝掃灣之處責令承修官
王玥等簽釘排椿見在勒限嚴催修理速竣如再不完工
另疏查叅其海口運料小河桃源黃河兩岸堤工古溝至
六壩石工高郵城南滾水壩高寶江都一帶土石堤工歸
仁堤相度引河駱馬湖口竹絡壩王家營減水壩徐州郭
家嘴等處石工段家莊月堤嵇家閘缺口處處工程需帑
興修戶部所撥五十萬兩委不敷用見在分案估計請撥
錢糧辦料興修此係各處修理之工程也臣謹具摺付筆

帖式關任貢捧奏

聞

兵部尚書兼都察院右都御史總督河道提督軍務臣張鵬翮謹
奏為恭報清水出運河事臣遵

旨督修高堰堤壩將六壩已閉其五夏家橋堵閉過半惟留口
門三十丈待宿州衙糧艘過湖曾經

題報在案今於十月十九日臣親往高堰六壩一帶催工見
湖水長至三尺臣由陸路至老子山觀淮水出洪澤湖之
處一望蒼茫無際通湖水長三尺詢之土人云因閉壩故
爾水長若再加長堤工單薄可虞臣一面令夏家橋口門
緩緩進埽以便分修官上緊臨湖鑿柴仍催尅期竣工足

禦風浪即合龍門於二十二日馳至清口見引河水勢加
長臣令河兵新挖之三汊河及疏通湖口引水入爛泥淺
卽家莊等河身俱已有水而張福口裴家場二引河水長
盈滿測量水平引河水高於黃水臣將張福口等河之水
匯入裴家場引河一處俟其水聚而力強足以敵黃於二
十四日西南風起引河水驟長比黃水高一尺一寸臣率
道廳等官親放引河之水暢流入於運河兩岸官民群觀
清水已出將來勢必敵黃入海咸頌我

皇上聖德格

天河神效靈之所致也臣擬俟回空糧艘過完將運河頭壩堵塞

通清水出黃另疏

題報但夏家橋口門堵閉後六壩水勢較今更為加長平槽
之水足以敵黃溢槽之水應行宣洩因三滾壩尚未修成
轉所冰凌桃汛之水又至設遇西風鼓浪無處宣洩何以
保固堤岸公議於翟家壩原有天然滾水壩之處地亢而
土堅仍留天然滾水壩寬百十餘丈用埽裹住兩頭平槽
之水蓄以濟運溢槽之水聽其滾去出唐曹河入白馬湖
若伏秋水大再於蔣家壩盡頭處原有之清水溝河以及

涵洞酌量開放若水小仍然閉塞總以臨時相機而行務期有裨隄防再查六壩口寬二百八十丈今清口引河共寬三十餘丈不足以暢洩全湖之水應發帑再開寬濶使水暢流敵黃至於運河伏秋水漲應由濶河涇河洩出射陽湖入於海此二河見在挑濬應將涇濶二閘動帑修補以資啟閉臣親行相度形勢博採衆論一得之愚臣未敢擅便恭請

皇上聖裁指示方畧俾臣欽奉遵行等因康熙三十九年十一月初一日奏本月十四日奉

旨九卿詹事科道會同速議具奏欽此欽遵於十一月十五日
抄出到部該臣等會議得河道總督張勵勛疏稱臣遵

旨督修高堰堤壩將六壩已閉其五夏家橋堵閉過半惟留口
門三十丈待宿州銜糧艘過湖曾經題報在案今於十月
十九日臣親往高堰六壩一帶催工見湖水長至三尺詢
之土人云因閉壩故爾水長若再加長堤工單薄可虞臣
一面令夏家橋口門緩緩進埽以便分修官上緊臨湖鑲
柴仍催尅期竣工足禦風浪即合龍門於二十二日馳至
清口見引河水勢加長臣將張福口等河之水匯入裴家

場引河一處俟其水聚力強足以敵黃於二十四日西南風起引河水驟長比黃水高一尺一寸臣率道廳等官親放引河之水暢流入於運河但夏家橋口門堵閉後六壩水勢較今更為加長三滾壩尚未修成設遇西風鼓浪無處宣洩何以保固堤岸公議於翟家壩原有天然滾水之處地亢土堅仍留天然滾水壩寬百十餘丈用埽裹住兩頭平槽之水蓄以濟運溢槽之水聽其滾去出唐曹河入白馬湖若伏秋水大再於蔣家壩盡頭處原有之清水溝河以及涵洞酌量開放若水小仍然閉塞再查六壩口寬

二百八十丈今清口引河共寬三十餘丈不足以暢洩全湖之水應發帑再開寬濶使水暢流敵黃至於運河伏秋水漲應由涇河濶河洩出射陽湖入於海此二河見在挑濬應將涇濶二閘動帑修補以資啟閉等因前來查該督既稱夏家橋口門堵後水勢較今更為加長三滾壩尚未修成翟家壩仍留天然滾水壩寬百十餘丈用埽裹住兩頭再於蔣家壩原有之清水溝河以及涵洞酌量開放清口引河再開寬濶涇濶二閘動帑修補等語應均如所奏一面乘時速行挑濬修築將夏家橋口門作速堵塞一面

將需用錢糧確估具題可也康熙三十九年十一月十六

日題本月十八日奉

旨依議速行

兵部尚書兼都察院右都御史總督河道提督軍務臣張鵬翔謹
題為恭報准黃交會仰慰

聖衷事臣凜遵

聖訓指授方畧明晰周詳先疏海口水有歸路今歲黃水不出
岸矣繼挑茫稻河引湖水入江高竇一帶水由地中行矣
再闢清口開張福口裴家場等引河淮水有出路矣又加
修高堰堵塞六壩逼清水復歸故道於十月二十四日引
張福口等河會入裴家場引河開放清水流入運河曾經
具摺

奏報臣一面將湖頭再加疏濬深濶以迎洪澤湖大溜又將
張福口引水入裴家場之處再挑寬深水大勢旺迅流暢
沛今於十一月初三日直敵黃水暢流入黃河矣運河之
中純係清水已無黃水灌入臣於初九日自下河回至清
口見水勢暢流大半入黃少半入運一水兩分若有神助
官民快覩淮黃交會歡聲如雷皆感頌我

皇上軫念國計民生宵旰憂勤精誠上孚

天心河神效靈之所致也伏惟我

皇上睿慮周詳

聖謨獨斷邁神禹之駿烈貽萬世之平成臣愚不勝懼忻踴躍
謹恭疏

題報伏乞

皇上睿覽施行等因於康熙三十九年十一月初十日題十二

月初四日奉

旨知道了該部知道

兵部尚書兼都察院右都御史總督河道提督軍務臣張鵬翮謹
題為黃淮交會謹陳善後一策以濟運道事欽惟我

皇上洪福齊天

聖謨獨斷指授治河方畧以致淮黃交會

國計民生兩有裨益萬姓懽忻感頌無已但善後之計尚有
次第講求者謹先就濟運而言之臣觀見在諸引河之水
勢聚而力強故足以敵黃而直出運口但大半出黃少半
濟運一水兩分當伏秋黃長之時恐清水之力稍微臣率
河官部員親行相度應於張福口裴家場二引河空地中

間迎湖大溜之處再挑引河一道面寬二十丈底深一丈
會入一河出口敵黃俾清水之勢常強而禦黃有力將爛
泥淺會入三汊河從七里河出文華寺運河專以濟運衆
議僉同實屬可行所需銀兩於捐銀節省二項內動用不
另請正帑理合具

題伏乞

皇上睿覽俞允施行等因康熙三十九年十一月十三日題十
二月初二日奉

旨九卿詹事科道會同速議具奏欽此欽遵於十二月初三日

抄出到部該臣等會議得河道總督張鵬翔疏稱欽惟我
皇上洪福齊天

聖謨獨斷指授治河方畧以致黃淮交會但善後之計尚有次
第講求者臣觀見在諸引河之水勢聚而力強故足以敵
黃而直出運口但大半出黃少半濟運一水兩分當伏秋
黃長之時恐清水之力稍微應於張福口裴家場二引河
空地中間迎湖大溜之處再挑引河一道面寬二十丈底
深一丈會入一河出口敵黃俾清水之勢常強而禦黃有
力將爛泥淺會入三汊河從七里河出文華寺運河專以

濟運所需銀兩於捐銀節省二項內動用不另請正帑等
因前來查該督既稱於張福口裴家場二引河空地中間
再挑引河一道俾清水之勢常強將爛泥淺會入三汊河
從七里河出文華寺運河專以濟運等語應如所題一面
興工一面將需用錢糧確估具題可也康熙三十九年十
二月初五日題本月初九日奉

旨依議速行欽此欽遵移咨到臣准此案查先於本年十二月
初二日准工部咨為恭報清水出運河事該本部等衙門
會覆河道總督張鵬翮題前事等因康熙三十九年十一

月初一日奏本月十四日奉

旨九卿詹事科道會同速議具奏欽此欽遵於十一月十五日
抄出到部該臣等會議得河道總督張鵬翔疏稱夏家橋
口門堵後水勢較今更為加長三滾壩尚未修成於翟家
壩仍留天然滾水壩寬百十餘丈用埽裹住兩頭再於蔣
家壩原有之清水溝河以及涵洞酌量開放清口引河再
開寬濶涇濶二閘動帑修補等語應均如所奏一面乘時
速行挑濬修築將夏家橋口門作速堵塞一面將需用錢
糧確估具題可也康熙三十九年十一月十六日題本月

十八日奉

旨依議速行欽此欽遵抄出到部移咨到臣准此當經節行該道確估冊詳以憑覈

題去後今據淮揚道叅議王謙造冊詳送具

題等因到臣據此該臣看得六壩全堵湖水蓄長見在清口引河不足宣洩必須再挑引河一道會入一河出口敵黃俾清水之勢常強而禦黃有力又思運河伏秋水漲恐難容受應由涇河澗河洩出射陽湖以達於海二處關座亟應修理以資啟閉經臣具

題九卿議覆應如所題奉

旨依議速行欽遵在案今行據淮揚道叅議王謙詳稱清河縣
運口南岸張福口之東靠裴家場張家莊地方估挑引河
一道計工長一千六百七十丈共該土方銀二萬一千七
百六十二兩二錢八分二釐三毫又涇河閘估用工料銀
一千四百四十九兩五錢八毫澗河閘估用工料銀一千
一十九兩五錢四分八毫並無浮冒造冊呈詳前來臣覆
覈無異隨將張家莊引河動支存庫捐助節省二項銀兩
委令候補僉事道程兆麟泗河通判胡琪原任布政使王

毓賢等見在備挑剋期竣工涇澗二閘動支交代存剩大
工銀兩委寶應縣知縣張增等補修除原冊送部查覈外
理合具疏

題估伏乞

皇上睿鑒勅部議覆施行等因康熙四十年二月二十四日題
三月初九日奉

旨該部速議具奏欽此欽遵於三月初九日抄出到部該臣等
議得河道總督張鵬翮疏稱清河縣蓮口南岸張福口之
東靠裴家場張家莊挑引河長一千六百七十丈估銀二

萬一千七百六十二兩二錢零又涇河澗河二閘估銀二千四百六十九兩零將張家莊引河動支存庫捐助節省二項委候補道程兆麟等見在儘挑涇澗二閘動支交代存剩大工銀兩委寶應縣知縣張增等補修等因前來查先經該督將張福口裴家場二引河空地中間迎湖大溜之處再挑引河一道會入一河出口敵黃又涇澗二閘應動帑修補以資啟閉等因其題經九鄉會議覆令一面興工一面將需用錢糧確估具題等因行文在案今既經該督估計具題應如所題速行挑濬修理工完之日將用過

錢糧覈減造冊題銷可也康熙四十年三月十一日題本
月十二日奉

旨依議速行欽此欽遵移咨到臣准此隨經備行該道欽遵轉
飭速行挑濬修理去後續據工完造冊詳銷又經批駁今
據淮揚道叅議王謙覆覈並無浮冒造冊轉詳請銷等因
到臣據此該臣看得清河運口南岸張家莊引河并裏河
涇澗二閘經臣

題估動支存庫捐助節省及交代存剩大工銀兩備挑補修
部議速行挑濬修理工完將用過錢糧覈減造冊題銷奉

旨依議速行欽遵轉行去後今據淮揚道咨議王謙詳稱張家
莊引河原估工長一千六百七十丈估銀二萬一千七百
六十二兩二錢八分二釐三毫內除湖頭二段共長一百
一十一丈實挑過工長一千五百五十九丈內有候選經
歷劉錫候選州同申崇厚捐挑工七十丈未領錢釐實用
銀一萬八千一百八十兩四錢九分七釐三毫節省銀三
千五百八十一兩七錢八分五釐補修涇河澗河二關原
估銀二千四百六十九兩四分一釐八毫今工完實用銀
一千九百八十兩四錢一分二毫節省銀四百八十八兩

六錢三分一釐六毫並無浮冒造冊詳銷前來臣覆覈無異除原冊送部查覈外相應具疏

題銷伏乞

皇上睿鑒勅部覈銷施行等因康熙四十年九月初四日題本月二十三日奉

旨著察覈該部知道欽此欽遵於九月二十四日抄出到部該臣等議得河道總督張鵬翮疏稱張家莊引河原估工長一千六百七十丈估銀二萬一千七百六十二兩二錢八分零內除湖頭二段共長一百一十一丈實挑過工長一

千五百五十九丈內有候選經歷劉錫候選州同申榮厚
捐挑工七十丈未領錢糧實用銀一萬八千一百八十兩
四錢九分零節省銀三千五百八十一兩七錢八分零補
修涇河澗河二閘原估銀二千四百六十九兩四分零今
實用銀一千九百八十兩四錢一分零節省銀四百八十
八兩六錢三分零等因前來查挑挖引河修補閘座用過
銀二萬一百六十兩九錢零與前准銷之例相符應准開
銷節省銀四千七十兩四錢一分零應令該督貯庫為河
工之用可也康熙四十年十月初六日題本月初八日奉

旨依議

兵部尚書兼都察院右都御史總督河道提督軍務臣張鵬副謹
題為欽奉

上諭事臣檢查舊案康熙三十八年三月初一日奉

上諭下河見有積水不得不引出歸海將串場河射陽湖蝦蟇
沙溝一帶挑通引積水流入歸海欽此仰見我

皇上軫念民生指畫周詳下河數百萬蒼生莫不感頌我

皇上如天之仁矣因前河臣于成龍未暇兼顧今臣遵

聖訓疏通海口黃水有歸路矣堵塞六壩開闢清口引淮水會

黃二瀆合流入海矣上河漸次就緒乃親往查勘下河見

水勢漸消高原已經種麥惟興化形如釜底積水一時不能全消較秦州鹽城水患尤甚臣相度形勢博採輿論高寶山陽鹽城一帶之水由射陽湖之蝦鬚二溝入廟灣以達於海今蝦鬚二溝因童營漫溢淤為平地雖有慶梁河出水但河身淺狹不足宣洩是以泛溢於興化鹽城一帶今宜將蝦鬚二溝淤塞之處約計四十餘里挑挖口寬十丈深九尺一丈不等引水入滕隴河以達於海約需銀五萬餘兩高郵滾壩下之水由興化縣安豐鎮至白駒場以達於海今自鮑家莊至白駒八十餘里地高水壅宜挑口

寬八丈深六七尺不等引水由白駒場入海約需銀六萬
餘兩其高郵一溝以下見有河形一片汪洋興化白駒關
以下暢流入海俱不須挑挖又自興化車路河至丁溪由
榜魚港以達於海今榜魚港淤塞八十餘里應挑口寬八
丈深六七尺不等引水入海約需銀六萬餘兩寶應縣之
水由子嬰溝老河口入射陽湖以達於海今老河口一帶
淤淺三里餘應挑口寬十丈深六七尺不等引水入湖約
需銀二千五百餘兩泰州之水自淤溪至半兒埠溜子河
以入於海今溜子河三十二里被土商築壩釘椿淤塞不

通宜開口寬八丈深六七尺不等約需銀二萬餘兩引水
由苦水洋入海如此則水有去路而積水可以漸消至於
串場河自泰州以至鹽城長三百餘里多有淤淺若挑至
廟灣入海商民兩便但舊例係鹽商挑濬范公堤長三百
里昔人築以捍海今已殘缺修治需費不貲俱應俟下河
積水消後民有起色漸圖修舉者也其挑濬蝦鬚溝等河
應需銀兩擬於加捐銀內動用如蒙

允行容臣遵員估計另疏具

題緣係謹陳疏濬下河事宜字多逾格貼黃難盡未便另繕

伏乞

皇上睿鑒俯賜全覽施行等因康熙三十九年十二月初二日
題本月二十日奉

旨這本內事情著照該督所題行該部知道欽此欽遵移咨到
臣准此隨經備行該道轉行該管廳河等官將挑濬蝦鬚
等河需用錢糧確估據實造報去後今據淮揚道叅議王
謙遂改造冊詳送合候憲覈

題估等因到臣據此該臣看得高郵寶應山陽鹽城一帶之
水由射陽湖蝦鬚二溝入廟灣以達於海今蝦鬚二溝淤

為平陸經臣議得蝦鬚溝淤塞之處挑挖寬深引水入滕
隴河以達於海需用銀兩擬於加捐銀內動用具

題奉

旨這本內事情著照該督所題行該部知道欽遵轉行確估去
後今據淮揚道叅議王謙詳估蝦鬚溝射陽湖尾間共
計工長一萬六百七十丈各寬深丈尺不等共估土方銀
四萬二千三百八十五兩八錢一分五釐其河底板沙之
下或有油淤五六尺不等人難站立難以施工則挑至油
淤而止就以扣除土方銀畧為疏篋令其通行再攔水壩

三條估銀二百五十五兩一錢三分八釐老鶴夫油葫蘆
港瓦子莊應窳疏沙淤共估銀四百九十四兩六錢合之
燉鬚二溝土方道共估銀四萬三千一百三十五兩五錢
五分三釐並無浮冒造冊詳送前來臣覆覈無異除照數
動支加捐銀兩委海防同知侯悌等作速挑挖准揚道叅
議王謙監工償挑並估冊送部查覈外相應具

題伏乞

皇上勅部議覆施行等因康熙四十年二月十九日題三月初

七日奉

旨該部議奏欽此欽遵於三月初八日抄出到部該臣等議得先經河道總督張鵬翮以高郵寶應山陽鹽城一帶之水由射陽湖蝦鬚二溝由廟灣以達於海今蝦鬚二溝淤為平地應行挑挖等因具題奉

旨這本內事情著照該督所題行該部知道欽遵行文去後今據該督疏稱挑挖溝鬚溝射陽湖尾閘計工長一萬六千七百七十丈又築欄水壩并老鶴尖油葫蘆港瓦子莊篋疏沙淤共估銀四萬三千一百三十五兩五錢五分零動支加捐銀兩委海防同知侯惲等挑挖淮揚道王謙監工等因

前來應行該督速行挑築工完之日將用過銀兩覈減造冊題銷可也康熙四十年三月十七日題本月二十日奉旨依議欽此欽遵抄出到部移咨到臣准此隨經檄行該道督率海防同知侯懌等速行挑築工完覈減造冊詳銷去後今據淮揚道叅議王謙造冊詳銷等因到臣據此該臣看得蝦溝鬚溝二河經臣具

題動用加捐銀兩挑挖深通引水入滕隴河以達於海估挑工長一萬六百七十丈又築欄水壩并篋疏老鶴尖油葫蘆港瓦子莊沙淤共估工料銀四萬三千一百三十五兩

五錢五分三釐部議速行挑築工完將用過銀兩覈減造冊題銷等因奉

旨依議欽遵轉行在案今據淮揚道叅議王謙詳稱陞任海防同知侯惲鹽城縣知縣鄭鵬承挑蝦溝鬚溝二河並築壩疏篦沙淤通共實用過銀三萬八千一百九十兩五錢二分五釐三毫節省銀四千九百四十五兩二分七釐七毫並無浮冒等因造冊詳銷前來臣覆覈無異除原冊送部查覈外相應具疏

題銷伏乞

皇上睿鑒勅部覈銷施行再照陞任海防同知侯憚捐挑淤灘
引河用過銀七百四兩二錢五分鹽城縣知縣鄭魯捐挑
潮灘油淤用過銀一千七百四十二兩三錢五分五釐俱
不在原估動帑之內合併聲明等因康熙四十一年六月
初七日題本月二十五日奉

旨著察覈該部知道欽此欽遵於六月二十六日抄出到部該
臣等議得先經河道總督張鵬翮將挑挖淤溝鬚溝等河
估銀四萬三千一百三十五兩五錢五分零等因具題臣
部覆令速行挑築工完覈減造冊題銷在案今據該督疏

稱實用銀三萬八千一百九十兩五錢二分零節省銀四
千九百四十五兩二分零等因前來查內有工三百九十
丈挑土一萬一千四百七十五方冊稱積水油淤每方加
銀三分共加銀三百四十四兩二錢五分又二百八十大
原估挑深八尺今挑深九尺用過土方銀一百二兩六分
皆係原估之外多用應行該督將此二項銀兩查明報部
再議其實用銀三萬七千七百四十四兩二錢一分零應
准開銷節省銀兩貯庫為河工之用可也康熙四十一年
閏六月十五日題本月二十日奉

旨依議

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙四十年正月初六日准工部咨開都水清吏司案
呈奉本部送工科抄出河道總督張鵬翔題前事等因康
熙三十九年十二月初二日題本月二十日奉

旨這本內事情著照該督所題行該部知道欽此相應行文總
河知照可也等因移咨到臣准此隨即備行該道轉行遵
照去後今據淮揚道叅議王謙造冊詳估到臣據此該臣
看得寶應縣之水由于嬰溝老河口入射陽湖以達於海

今老河口一帶淤淺應行挑濬寬深經臣具

題奉

旨這本內事情著照該督所題行該部知道欽此欽遵行據淮
揚道叅議王謙詳稱除子嬰閣下至胭脂溝止一帶河道
深通無庸估挑外惟自胭脂溝起由老河口至姚子港止
河長六百丈河身淺窄應一律加挑面寬八丈底寬四丈
深六尺為度需用土一萬五千二百六十一方二分每方
銀九分該銀一千三百七十三兩五錢八釐並無浮冒等
因冊詳前來臣覆覈無異除照數動支加捐銀兩委實應

縣知縣張增作速挑挖淮揚道奏議王謙監工督挑并估
冊送部查數外相應具

題伏乞

皇上睿鑒勅部議覆施行等因康熙四十年十二月初五日題

本月二十日奉

旨該部議奏欽此欽遵於十二月二十一日抄出到部該臣等
議得先經河道總督張鵬翮以寶應縣之水由子嬰老河
口入射陽湖以達於海今老河口一帶淤淺應行挑濬等
因具題奉

旨這本內事情著照該督所題行該部知道欽遵行文在案今
據該督疏稱除子嬰閘下至胭脂溝止一帶河道深澗無
庸估挑外自胭脂溝起由老河口至姚子港止河身六百
丈淺窄一律加挑面寬八丈底寬四丈深六尺需銀一千
三百七十三兩五錢零委寶應縣知縣張增挑挖等因前
來查前項挑河既經該督估計具題應速行挑挖工完將
用過錢糧覈減造冊題銷可也康熙四十一年正月二十
七日題本月二十八日奉

旨依議速行欽此欽遵抄出到部移咨到臣准此當經檄行該

道挑挖去後今據淮揚道叅議王謙造冊詳銷等因到臣
據此該臣看得子嬰閘下胭脂溝起至姚子港止河長六
百丈河身淺窄應加挑寬深經臣具

題部覆速行挑挖工完覈減造冊題銷等因奉

旨依議速行欽遵在案今據淮揚道叅議王謙詳稱子嬰閘下
自胭脂溝起至姚子港止應挑河長六百丈原估銀一千
三百七十三兩五錢八釐今工完覈減內除四十丈有民
房阻礙無庸挑挖和存土方銀一兩五錢五分九釐二毫
五絲實用銀一千二百三十四兩五錢九分七釐九毫五

絲較比原估節省并扣存土方共銀一百三十八兩九錢一分五絲委無浮冒等因冊詳前來臣覆覈無異除原冊送查覈外相應

題銷伏乞

皇上睿鑒勅部覈銷施行等因康熙四十一年六月二十三日

題閏六月十一日奉

旨著察覈該部知道欽此欽遵於閏六月十二日抄出到部該臣等議得先經河道總督張鵬翮將子嬰閘下自胭脂溝起至姚子港止挑河六百丈估銀一千三百七十三兩五

錢零等因具題臣部覆准挑挖工完彙減造冊題銷在案
今據該督疏稱挑完實用銀一千二百三十四兩五錢九
分零節省并扣存未挑土方共銀一百三十八兩九錢一
分零委無浮冒等因前來查前項挑河用過銀兩該督既
稱委無浮冒等語應准開銷其節省銀兩貯庫為河工之
用可也康熙四十一年閏六月二十五日題本月二十九

日奉

旨依議

兵部尚書兼都察院右都御史總督河道提督軍務臣張鴻勳謹
題為兩溝之河道告成歷年之積水漸涸西成有望民生日
遂懇憲代

題叩謝

皇恩事據山陽鹽城兩縣舉人顏敏副榜王思維貢監李公狄
唐臣恩成僑薛聚士民昏煒瞿思義彭友聲瞿志濟姜宗
周孫嶠丁珮季嗣曾陳三鼎郝鵬陶涵劉贊高景王介陳
極吳賢孫尚陸甫劉賓臣胡翼張允中王真夏兆吳昭仇
連方正薛上義錢高管魁吳館唐大有李志進馮可達常

永祚余志紀于士珏平順孫邦道王廉高爾琳陸士貴吉
雲鵬阮以雄等呈稱竊照山鹽兩邑自康熙三十五年黃
水泛溢童營缺口田地沉沒燬墮二溝盡被黃河淤平凡
高寶興泰等邑由湖蕩入海之道淤塞不通以致山鹽兩
邑受諸水下流之總漚及黃水泛溢之無歸積水無處宣
洩田畝不獲耕種幸逢河院親勘

題請荷蒙

皇恩俞允發帑開濬於四月二十六日啟壩放水河道通流水
有去路田地日漸涸出西成有望舟楫往來商賈攸賴不

但山鹽兩邑百姓得享平成之福即高寶興奉生民亦自
獲樂利之休若非

皇恩浩蕩大發帑金亦何能鴻工藝成生民永慶也感戴
皇恩老幼歡騰群思赴京叩

謝稍盡蟻忱奈路途遙遠小民無力為此叩懇俯賜代
題轉達愚誠仰冀

天聽閭邑百姓惟焚香頂祝望

闕叩首永戴

弘慈於無既等因到臣據此該臣看得下河地處旱窪疊罹水

惠荷蒙

皇上如天之仁屢賜蠲賑黎民得以生全又欽頒

上諭挑濬下河引積水入海因前河臣未暇兼顧臣稟遵

聖主指授治河方畧上河工程就緒水不東注即遵

上諭挑濬下河估計具

題奉有

俞旨欽遵在案臣勘蝦鬚二溝為疏通積水要道即動支加捐

銀兩委員先行挑挖於四月二十六日開放是日萬姓往

觀歡聲雷動據舉貢士民願敏等呈稱水有去路田地涸

出西成有望舟楫往來商賈攸賴皆荷

皇恩浩蕩大發帑金鴻工蚤成生民永慶老幼歡騰焚香頂祝
望

闕叩首永戴

弘慈無既願請代

謝前來臣親萬姓感頌

聖恩實出誠悃不敢墜於

上聞謹具疏代

題伏乞

皇上睿鑒施行等因於康熙四十年五月十六日題六月初七

日奉

旨該部知道

兵部尚書兼都察院右都御史總督河道提督軍務臣張鵬瀾謹
題為估計挑挖引河以資保固事該臣看得黃河下流最窄
之處無如安東便益門以及對岸韓家莊臣率同道廳等
官探量兩岸相距僅六十餘丈又兼時家馬頭至尹家莊
河身太曲對岸沙洲逼溜直衝南岸韓家莊而韓家莊以
下又突出沙嘴逼溜直射北岸便益門且堤高於城勢甚
危險應將兩處沙洲於中開穿挑挖引河二道使黃流直
下以固城池以保險工行據淮揚道叅議王謙詳估黃河
北岸沙洲自時家馬頭東對南岸引河尾新河頭起至便

益門西河尾止估挑引河長五百四十丈應用土方銀二千一十四兩五錢又黃河南岸自韓家莊東對北岸引河尾新河頭起至河尾止估挑引河長五百二十丈應用土方銀一千五百六十六兩二引河下唇又估下埽二個應用埽料銀五十兩一錢二分連引河并埽箇共估土方工料銀三千六百三十兩六錢二分等因詳估前來臣查時家馬頭已經合龍淮黃已經交會二水合流來春自必增長急應乘時備挑引河完竣俟挑汎水長開放使黃水直下得以暢流則尹韓二莊便益門三處險工可以稍平又

可保安東城社民生除發帑委員乘此冬令水小價挑運
竣並將原冊送部查覈外理合具疏

題估伏乞

皇上睿鑒勅部議覆施行等因康熙三十九年十二月初二日

題本月二十日奉

旨這本內事情著照該督所題行該部知道

兵部尚書兼都察院右都御史總督河道提督軍務臣張鵬翔謹
題為

題明事該臣看得山陽黃河南岸辛家蕩地方係原任淮徐
道郎文煌於山安同知任內領銀建造涵洞之處因未竣
工故於本年黃水漲發遂致衝漫成缺經臣

題明責令賠堵在案今據該道廳詳稱郎文煌係鎮黃旗人
因料物未備以舊缺水深難堵為詞查此工關係要緊難
容遲緩應照例動帑委令署山安同知夏宗堯赴水落之
際照所估於壩外建築月堤一百二十五丈并堤外捲下

順埽估用料物土方銀一千四百九十三兩八錢二分造
冊前來除原冊送部查數外此係郎文煌應賠之項仰祈
勅部行令該旗都統於郎文煌名下照追還項理合具

題伏乞

皇上睿鑒勅部議覆施行等因康熙三十九年十二月初八日
題四十年正月二十日奉

旨該部議奏欽此欽遵於正月二十一日抄出到部該臣等議
得河道總督張鵬翮疏稱山陽黃河南岸辛家蕩地方係
原任淮徐道郎文煌於山安同知任內領銀建造未竣故

致衝缺責令賠坊郎文煌因料物未備以舊缺水深難堵
為詞此工關係緊要難容遲緩應照例動帑委令署山安
同知夏宗堯趁水落之際於墻外建築月堤一百二十五
丈并堤外捲下順埽估用銀一千四百九十三兩八錢二
分係郎文煌應賠之項郎文煌係鎮黃旗人祈

勅部行令該旗都統於郎文煌名下照追還項等因前來查該
督既稱辛家蕩地方關係緊要難容遲緩等語應如所題
先動帑銀修築工完之日將用過銀兩造冊題銷其估用
銀一千四百九十三兩八錢零行文該旗都統於郎文煌

名下照例勒限半年追取還項可也康熙四十年二月初二日題本月初七日奉

旨依議欽此欽遵抄出到部移咨到臣准此當經檄行該道遵照價築去後今據淮揚道叅議王謙詳稱辛家蕩修築越堤今工完覈減造冊詳銷等因到臣據此該臣看得黃河南岸辛家蕩經臣

題估動帑修築越堤於郎文煌名下追銀還項部覆應如所題動帑修築工完造冊題銷等因奉

旨依議欽遵在案今據淮揚道叅議王謙詳稱辛家蕩越堤工

長一百二十五丈原估銀一千四百九十三兩八錢二分
今工完覈減實用銀一千三百四十四兩四錢三分八釐
較原估節省銀一百四十九兩三錢八分二釐並無浮冒
造冊

題銷其用過銀兩照原題於郎文煌名下追還查郎文煌係
錄黃旗人應行該旗都統照追清項等因前來臣覆覈無
異除原冊送部查覈外相應具疏

題銷伏乞

皇上勅部覈銷施行等因康熙四十一年十一月二十日題十

二月初八日奉

旨著察覈該部知道欽此欽遵於十二月初九日抄出到部該
臣等議得河道總督張鵬翮疏稱黃河南岸辛家蕩經臣
題估動帑修築越堤於郎文煌名下追銀還項今工完實
用銀一千三百四十四兩四錢零較原估節省銀一百四
十九兩三錢零並無浮冒其用過銀兩照原題於郎文煌
名下追還等因前來查前項建築越堤用過銀兩該督既
稱並無浮冒等語應准開銷節省銀兩貯庫為河工之用
其郎文煌名下應追銀兩已經行文該旗勒追應毋庸議

康熙四十一年十二月十九日題本月二十日奉

旨依議

兵部尚書兼都察院右都御史總督河道提督軍務臣張鵬翔謹
題為河工底績可期請鑄漏尚宜蚤塞請將中運兩河復舊制
設閘座以垂永久事康熙三十九年十一月三十日准工
部咨開都水清吏司案呈奉本部送工科抄出刑科掌印
給事中陳銑題前事等因康熙三十九年十一月初九日
題本月十八日奉

旨這事情應否可行著總河張鵬翔速議具奏該部知道欽此
相應抄錄原疏行文總河查照奉

旨內事理欽遵施行計抄錄原疏一紙內開刑科掌印給事中

加二級陳銳

題為河工底績可期罅漏尚宜發塞請將中運兩河復舊制
設開座以垂永久事竊惟淮黃為患匪伊朝夕

皇上神明獨運睿照所及洞達無遺已將兩河情形熟悉區畫
特簡張鵬翮總理河道面受

方畧殫心奉行又遣大臣督修高堰

天心眷答河伯致靈是年伏汛水勢消落較往年十之三四跡見
安瀾就下立慶平成矣乃

皇上睿慮周詳猶恐黃淮交漲或致危險此誠至聖至明事所

或有誠不可不蚤為計及者也臣思黃河之工規模已經
大定不過實心修築自可告成惟是罅隙之處尚宜蚤修
罅隙既修則一定之規垂之萬世永遠無弊蓋黃河之患
最懼旁洩不惟黃水不可兩行即兩岸清水亦不可分洩
清水不洩則助黃刷沙水落之時日夜滔々長流入河若
異漲之際河流亦有倒灌之時然六七天後異漲即平淤
沙未堅清水仍出沙隨水流隨流隨去此南北兩岸所以
必築堤以障湖障湖以敵黃也自南之歸仁堤潰而湖家
溝之口塞矣高堰潰而清口塞矣北之禹王臺洩水而駱

馬湖之董口塞矣其塞者非黃水之能塞清而清水之自不能出也黃水塞清不過一時之泛漲清不能出則旁分流弱黃水隨清而入一往不返淤沙愈積愈老河身反高於湖矣今

皇上命張鵬翮修歸仁堤開湖家溝以出濰湖之水命大臣幫高堰以出洪澤湖之水此真一定不易之經乃猶有罅隙當塞者則莫如復天妃閘以防淮水入運閉中河以導東水入河蓋高堰既築淮水必高若黃漲不能復出則必擇空地而行舊天妃閘離淮黃交會之處二百餘丈原用閘

板閉斷自天妃閘至清江浦共有五閘重運到時通互啟
閉重運一過即行鎖斷官民船隻俱用車盤是以淮之全
力俱注於黃其引入運河者不過暫時資其濟運耳自廢
天妃閘移七里閘改草壩無復閘板啓閉則淮黃相距之
中復有運河以為尾閘挑伏兩汎黃障其北堰障其東無
所分洩勢必盡趨運河運河淺狹迫近淮城萬一潰決清
江浦民居可危誠有如此

聖慮所及者故臣以為必復天妃閘以塞其罅然後淮水可出
而清口可通也至中河之意亦復相同借其通漕可以避

黃河之險任其分洩亦復生倒灌之虞近年黃水灌入中河至於啗堤淺涸皆復由此今張鵬翔遵奉

俞旨亦已熟中河頭壩引湖水從石閘出黃矣臣愚以為宜倣天妃閘舊制之意於新舊西河中酌量遠近多建閘座重運來時節級啟閉重運過後官民船隻或用車盤或走黃河勿令常行開通使清水但資送運一應減水壩盡行堵塞令其俱入黃河不惟宿遷以下河流廣深抑且仲莊閘出口之水不致逼溜使南而清口亦易開通此不過一二補苴而大工可以告成永遠可以遵守緣係條陳河工事

理字多逾格貼黃難畫未敢另繕伏乞

皇上睿鑒施行等因移咨到臣該臣看得科臣陳銑疏稱自天妃閘至淮安共有五閘必復天妃閘以塞其缺然後淮水可出等語臣按南河誌平江伯陳瑄建通濟新莊福興清江板閘等五閘遞相啓閉以防黃水之淤又慮水發湍急難於啓閉築壩以遏水衝每歲至六月初旬糧艘過盡伏水將發即於通濟閘外暫築土壩以遏橫流一應官民船隻俱暫行盤壩出入至九月初旬開壩今天妃福興板閘久廢新莊閘亦以無用棄之惟存龍汪閘一座金門參差

不能下板但古今異宜不能盡復五閘臣相度地勢博訪
輿論公議酌復天妃閘一座以防黃水內灌將見在之龍
汪開寶應閘拆修金門下板設過水涵通相啟閉蓄水濟
運但目前運河淤墊正在挑挖俟清水衝刷淤沙使盡河
底之尺寸既定方可安建閘基將修閘事宜另疏

題請又科臣陳銑疏稱新舊兩中河多建閘座重運來時節
級啟閉重運過後勿令常開等語查中河頭每年糧船過
後即行煞壩引湖水由石閘出黃新運到時又行啓壩需
費錢糧不若於中河頭及中河尾各建石閘一座以時啟

閉節宣水勢於新中河孫家集以上修石閘一座如遇水
大洩入鹽河以殺水勢其修閘需用錢糧另疏估計具
題以上運中兩河科臣

題請建閘之處乃河工告成善後之計事屬可行臣謹具疏
題覆伏乞

皇上審鑒勅部議覆施行等因康熙三十九年十二月十八日
題四十年正月二十五日奉

旨該部議奏欽此欽遵於正月二十六日抄出到部該臣等議
得先經刑科給事中陳銑以自天妃閘至清江浦共有五

開必復天妃閘以塞其罅然後淮水可出又新舊中河應
多建閘座重運來時節級啓閘重運過後勿令常開等因
具題奉

旨這事情應否可行著總河張鵬翻速議具奏該部知道欽此
欽遵移咨總河去後今據河道總督張鵬翻疏稱臣按南
河誌陳瑄建通濟等五閘遞相啓閉以防黃水之淤又慮
水發湍急難於啟閉築壩以遏水衝今天妃福興板閘久
廢新莊閘亦以無用棄之惟存龍汪閘一座金門參差不
能下板但古今異宜不能盡復五閘臣相度地勢博採與

論公議酌復天妃閘以防黃水內灌將見在龍汪閘寶應
閘拆修金門下板設遇水涸遞相啓閉蓄水濟運但目前
運河淤墊正在挑挖使清水衝刷淤沙使盡河底尺寸既
定方可安建閘基將修閘事宜另疏題請等語應俟該督
具題之日再議又疏稱中河頭糧船過後即行煞壩引湖
水由石閘出黃新運到時又行啟壩需費錢糧不若於中
河頭及中河尾各建石閘一座以時啟閉節宣水勢於新
中河孫家集以上修石閘一座如遇水大洩入鹽河以殺
水勢其修閘需用錢糧另疏估計具題等語應俟該督估

計具題到日再議可也康熙四十年二月初八日題本月
十二日奉

旨依議欽此欽遵抄出到部移咨到臣准此隨行該道將中河
頭尾及孫家集各閘需用錢糧作速估計去後今據淮徐
道副使施世綸准揚道叅議王謙覈明造冊轉詳

題估等因到臣據此該臣看得中河頭及中河尾各建石閘
一座以時啟閉節宣水勢於新中河孫家集以上修石閘
一座如遇水大洩入鹽河以殺水勢經臣具

題部覆需用錢糧該督估計具題到日再議等因奉

旨依議欽遵在案今據淮徐道副使施世綸淮揚道叅議王謙
詳稱中河頭建造石閘一座併上下築壩及挑月河建草
壩共該工料銀二萬八千七百八十五兩三錢五分六釐
八毫中河尾建造石閘一座併上下築壩及挑引河裏頭
等工共該工料銀二萬九千七百三十七兩二錢二分四
釐二毫四絲又建孫家集小石閘一座共該工料銀九千
一百一十九兩九錢四分九釐一毫二絲三共銀六萬七
千六百四十二兩五錢三分一毫六絲並無浮冒等因造
冊詳估前來臣覆覈無異不另請撥錢糧動支交代大工

存剩并武墩石工扣存以及追繳各案透欠并不足土方
銀兩數給發隨委候補同知蘓稷安清中河通判劉可
聘清河縣主簿張天機領帑辦料興修委淮揚道叅議王
謙准徐道副使施世綸監工督催除原冊送部查覈外相
應具疏

題估伏乞

皇上勅部議覆施行等因康熙四十年十一月二十日題十二
月初九日奉

旨該部議奏欽此欽遵於十二月初十日抄出到部該臣等議

得先經河道總督張鵬翮將中河頭及中河尾應各建石
閘一座以時啓閉節宣水勢孫家集以上應修石閘一座
如遇水大洩入鹽河以殺水勢等因具題臣部覆令估計
具題去後今據該督疏稱中河頭建石閘一座并上下築
壩及挑月河建草壩估銀二萬八千七百八十五兩三錢
零中河尾建石閘一座并上下築壩及挑引河裏頭等工
估銀二萬九千七百三十七兩二錢零又建孫家集小石
閘一座估銀九千一百一十九兩九錢零動支交代大工
存剩等銀辦料興修等因前來查中河石閘二座既經該

督估計具題應速行修建工完之日將用過錢糧覈減造冊題銷可也康熙四十年十二月十七日題本月十八日奉

旨依議速行

兵部尚書兼都察院右都御史總督河道提督軍務臣張鵬翮謹
題為河工底績可期罅漏尚宜蚤塞請將中運西河復舊制
設閘座以垂永久事准工部咨前事該臣看得酌復天妃
閘以防黃水內灌將見存龍汪等閘拆修金門下板設遇
水涸通相啓閉蓄水濟運經臣

題明將修閘事宜另疏

題請部覆俟具題之日再議等因在案今據淮揚道叅議王
謙詳稱除龍汪閘見在另文議詳外惟是天妃閘舊基閘
塘年久深窪岸水難乾故椿碎石有礙下椿鋪底議於運

口頭草壩迤北建造大石閘一座拆新莊閘石料添用以
節錢糧又東西各築緝堤一道即以挑引河之土築堤再
於閘座上下穿開舊堤處所各建草壩一座以固堤束水
共估工料銀二萬八千二百四十二兩九錢四分九釐二
毫四絲並無浮冒等因造冊詳估前來臣覆覈無異不另
請撥錢糧隨動支高堰大工節省銀兩照數給發候補知
縣王來碩等辦料興修淮揚道王謙監工督催除原冊送
部查覈外相應具疏

題估伏乞

皇上睿鑒勅部議覆施行等因康熙四十一年三月十四日題
本月三十日奉

旨該部議奏欽此欽遵於四月初一日抄出到部該臣等議得
河道總督張鵬翮疏稱復天妃閘以防黃水內灌經臣題
明在案惟是天妃閘舊基年久深窪故椿碎石有礙下椿
鋪底議於運口頭草壩迤北建造大石閘一座東西各築
緯堤一道再於閘座上下穿開舊堤處所各建草壩一座
以固堤束水共估工料銀二萬八千二百四十二兩九錢
四分零動支高堰大工節省銀兩給發候補知縣王來碩

等興修淮揚道王謙監工督催等因前來應如該督所題
准其建築工完之日將用過錢糧數減造冊題銷可也康

熙四十一年四月初五日題本月初六日奉

旨依議速行

兵部尚書兼都察院右都御史總督河道提督軍務臣張鵬翔謹
題為河工底績可期罅漏尚宜蚤塞請將中運兩河復舊制
設閘座以垂永久事准工部咨前事該臣看得寶應閘拆
修金門下板遞相啓閉蓄水濟運經臣

題明將修閘事宜另疏

題請部覆俟具題之日再議等因在案今據淮揚道恭議王
謙詳稱寶應南弘濟大閘建造年久閘底閘牆向被水衝
壞今議從新估建石閘一座金門鑿槽下板以資啟閉并
開挑月河建築埽壩通共需料物工價銀一萬六千四百

九十八兩三錢四分七釐五毫六絲並無浮冒等因造冊
詳估前來臣覆覈無異不另請撥錢糧隨動支高堰大工
節省銀兩照數給發原任知縣吳順辦料興修准揚道叅
議王謙監工督催除原冊送部查覈外相應具疏

題估伏乞

皇上睿鑒勅部議覆施行等因康熙四十一年六月初七日題
本月二十二日奉

旨該部議奏欽此欽遵於六月二十三日抄出到部該臣等議
得先經河道總督張鵬翮將寶應開拆修金門下板俟運

河挑挖另疏題請等因具題臣部覆令俟該督具題之日
再議在案今據該督疏稱估建石閘一座并開挑月河建
築埽壩共需料物銀一萬六千四百九十八兩三錢零動
支高堰大工節省銀兩等因前來應如該督所題准其修
造工完之日將用過銀兩覈減造冊題銷可也康熙四十
一年閏六月初五日題本月初八日奉

旨依議